

O NAY TSIKNO PHRAL THAY I ZHAMBABA

Akana isi ekh thagar. Rom tharar. Isi les trin mursha. Akana baryona leske mursha. Hay phenla lenge lengo dat kidya:

– Tume veche barile. Tryabva veche te iklyon na gurbetlwk, te roden tumaro kwsmeti.

Lengi day lela, kerela lenge po ekh bokolin, po ekhe kahnya. Thoola lenge gonende. Iklyona. Zhana veche te roden po kwsmeti. Resna ekh krwstopwti. Lengo baro phral phenla kiya:

– Ayde akana! Zhi katka sine amaro drom kupate. Akana delinasa amen. Kon kate si lesko kwsmeti.

O baro phral zhala ekhe gizate, akava averete, o tsikno avere koleste.

O baro phral zhala. Arakhla peske barvalo than ko barvalipe, ko thagaripe. Prandeela. Li o sredno avere gizate. Li ov prandeela.

O tsikoro phirla, phirla, nashti arakhela peske. Jala pash ekhe lenyate. Pashilo akana ekhe kashteste thay phenla:

– Katka ka soav. Phirdim, phirdim, man kwsmeti nanay man.

Pashyola. Soola. Iklela leske ekh bari zhamba. Khay zhala i zhamba pash leste. Ov soola, soola, ushtela i dikhla... zhamba. Phela i zhambake:

– So keresa pala tu pash mande?

I zhamba horatinela lesa, phela:

– Ami, me sinyom teri! Me sinyom te kwsmtiste. Tere phrala prandesayle kala, kola. Prandesayle avere..., pal avere gizate. Tu tsidindyan romnya te les tuke. Man ka les.

Oda phenla:

– E, sar akana? Tu zhansa, me manush! – phenla – Man mo dat ka chhinel, ako ingelaa tut!

Oy da phenla:

– Chhinel na chhinel, me sinyom te kasmetiste!

– E, na kamava tut romnyake!

Trwgniela i zhamba palal leste. Ova phendyas:

– Kray! Nanay kurtulinav kale zhambatar!

Lela, trin drom chhivela la ando pani. Pala iklyola. Nashti. Lela kale zhamba, thovela la pe chantate. Thay tragniila veche.

Khidena pes o trin phrala pala othe, ko swshto drom. Zhana peske